

ՄՇԿԱՎԱՆՔԻ ՎԵՐԱԿԱՆԳՆՈՒՄԸ

ՅՈՒ. Ա. ԹԱՄԱՆՅԱՆ

Նոյեմբերյանի շրջանի Կողբ գյուղի մոտակայքում, խիտ անտառների խորքում կառուցված այս հուշարձանախումբը թե՛ իր գեղարվեստական արժանիքներով և թե՛ պատմա-ճարտարապետական նշանակությամբ միանգամայն ուրույն տեղ է գրավում մեր արվեստի պատմության մեջ: Նրա կառուցման ժամանակը հայտնի չէ, սակայն ճարտարապետական ձևերի, դրվագների և կոնստրուկցիաների մանրամասն քննությունը թույլ է տալիս դասելու այն XIII դարում կառուցված հուշարձանների շարքը:

Հուշարձանախումբը կազմված է միանավ եկեղեցուց և խաչվող կամարներով ընդարձակ գավիթից: Շրջապատում պահպանվել են վանքապատկան կառուցվածքների շատ մնացորդներ:

Եկեղեցին փոքր, միանավ շենք է, սակայն իր համաչափությունների և վերասլաց չափերի շնորհիվ ունի բավական ընդարձակ ներսի տարածություն: Հատակագծում կիսակլոր աբսիդը եկեղեցու ներսի տարածությանն է միանում խոշոր կամարակապ բացվածքով: Արևմտյան պատի մեջ արված դռնով եկեղեցին հաղորդակցվում է գավիթի հետ: Թաղակապ առաստաղը զգալի բարձրություն ունի, որի հետևանքով տանիքի թեքությունները շատ մեծ են: Հենց այդ թեքությամբ պատճառով ծածկասալերը իրենց կիսակլոր ելուններով և քառորդներով իրար են ագուցված, մեկը մյուսի վրա են նստում, այսպիսով ստեղծելով մի ընդհանուր անջրանցիկ մակերևույթ:

Եկեղեցու հատակը, տեղանքի պատճառով, գավիթի հատակից զգալի բարձր է ստացվել: Տեղադրված քարե աստիճանները հաղթահարում են այդ տարբերությունը:

Խաչվող կամարներով գավիթը հանդիսանում է այս համալիրի հիմնական կառուցվածքը և վաղուց ի վեր գրավել է հետազոտողների ուշադրությունը¹:

Ըստ կոնստրուկտիվ սխեմայի Մշկավանքի գավիթը մոտենում է Հաղբատի և Դանձասարի գավիթներին: Երեքն էլ հնարավոր է դիտել որպես մեկ ընտանիքի՝ խաչվող կամարներով գավիթների ներկայացուցիչներ, որոնց հատկանշական կողմերից է արևմտյան մասում երկու առանձին կանգնած սյուների առկայությունը: Վերջին հանգամանքը, ստեղծելով լրացուցիչ ծավալ, ընդլայնում է ներսի տարածությունը: Նշված երեք գավիթներն էլ լավ են դիմացել ժամանակի փորձություններին և կանգուն վիճակում հասել են մեզ:

Հաղբատի և Մշկավանքի գավիթների երդիկները կաղմված են խաչվող

¹ Տե՛ս, օրինակ, Ս. Խ. Մնացականյան, Архитектура армянских притворов, Ереван, 1952; Н. М. Токаревский, Архитектура Армении IV—XIV вв., Ереван, 1961; А. Л. Якобсон, Из истории армянского средневекового зодчества. Армянские монастыри XIII в. Хоракерт и Мшкаванк, «Советская археология», XIV, 1950.

կամարներից, որի շնորհիվ ընդգծվում է սլացիկությունը և գեղեցիկ ինտերիեր է ստեղծվում:

Մշակվանքի գավիթը ուղղանկյուն կառուցվածք է, մի փոքր ձգված արևմուտք-արևելք թաղանթամբ: Ամբողջ ծածկը հենվում է երկու զույգ խաչվող կամարների վրա: Կամարների հատումով ստացված քառակուսին դարձյալ ծածկված է երկու զույգ խաչվող կամարներով, որոնց հատումից առաջանում է երգիկը: Շատ հավանական է, որ երգիկը հնում ծածկված լինելու սյունադարձ կառուցվածք ունեցող ռոտոնդայով, որի հետքերը չեն պահպանվել:

Խաչվող կամարներով կազմված ծածկի շնորհիվ ստեղծվել է նոր տիպի քառաթեք տանիք, որի շորս ճակատներում թեք լանջերը հենվում են հորիզոնական քիվերին: Նման տանիք ստացվել էր նաև Հաղբատում և Գանձասարում: «Այսպիսով խաչվող կամարներով ծածկերի կիրառումը հայ վարպետներին հնարավորություն տվեց ստեղծելու մի շարք նոր, մինչ այդ անհայտ կառուցվածքների տիպեր, որ ներսի տարածությունը զարմացնում է իր ամբողջությամբ և միասնականությունով, լի է լույսով և օդով ու հիացնում է համարձակ ու թեթև բարձրացող հուժկու կամարներով»²:

Գավիթի ճակատները լուծված են բավական զուսպ, ուշագրավ են նեղ ու ձգված պատուհանները, երեսակալված հուժկու գլանաձև գոտիով, որը անցնելով ամբողջ գավիթի պատի ստորին մասով, շենքի ցոկոլային մասը անջատում է վերևի մասերից:

Մի շարք կառուցվածքներում այդպիսի գոտին լինում էր հարթ (երբեմն՝ քանդակազարդ) և կիրառվում էր որպես շքամուտքերի կամ պատուհանների երեսակալ: Վերջինս հատկանշական է XIII դարում կառուցված հուշարձանների համար և կարող է հանդիսանալ որոշ հուշարձանների կառուցման դարը որոշելու միջոցներից մեկը:

Գավիթի արևմտյան ճակատը շատ ուրույն ձևով է լուծված: Հիմնականը եղել է ճոխ միջոցներով մշակված շքամուտքը: Նրա ճակատակալ քարը ընդգրկվել է զույգ կամարներով, որոնք իրենց հերթին հենվել են զույգ կիսասյուների վրա, ստեղծելով մուտքի հիմնական հորինվածքը: Լայն երեսակալը, ընդգրկելով ամբողջ մուտքը, ամփոփում է նաև նրա վրա բարձրացող պատուհանը, ողջ շքամուտքին հաղորդելով ընդհանուր ոճական միասնություն, որի հարազատությունը XIII դարի կառուցվածքներին անվիճելի է:

Շքամուտքի զույգ սյուների և երեսակալի միջև առաջացած հարթությունը ծածկված է եղել հարուստ մշակված, գույնզգույն տուֆերից կազմված հավաքովի օրնամենտով, որը շատ հաջող կերպով զարդարել է այն: Գավիթի հյուսիս-արևմտյան և հարավ-արևմտյան անկյունները իրականացված են եղել վերից վար ձգվող գլանաձև գոտիով, որը շատ բնորոշ քանդակներ ունի: Արևմտյան ճակատի վրա, շքամուտքի երկու կողմերում քանդակված են բազմաթիվ մեծ ու փոքր խաչեր, որոնք ընդհանուր ձևով զարդարելով պատը, հինավուրց կառուցվածքի բնույթ են հաղորդում նրան:

Չափազրման և հետազոտման ժամանակ (Շ. Աղատյան և Յու. Թամանյան, 1954 թ.) գավիթը գտնվում էր կիսավեր վիճակում: Որդիկի մասը համարյա լրիվ քանդված էր, պահպանվել էին երկրորդ շարքի խաչվող կամարների հիմքի քարերը միայն և երեսապատերի ստորին երկու շարքը: Արևելյան

² С. X. Мпациаканян, նշվ. աշխ., էջ 82:

հիմնական կամարի կենտրոնական հատվածը փլվել էր ու վտանգ առաջացրել ամբողջ կամարի և, հետևաբար, ամբողջ կառուցվածքի համար: Հիմնական կամարների առանքներում պահպանված թաղերի մեծ մասը քանդվել էր, իր հետ տանելով տանիքի սալերը և խախտելով ամբողջ ծածկի համակարգը: Տանիքի սալերից մի քանիսը կախված վիճակում պահպանվել էին քիվերի մնացորդների հետ միասին: Մուտքի ճակատակալ քարը խարխլվել էր, ստանալով բազմաթիվ ճաքեր և պատրաստ էր սմեն ըոպե փլվելու:

Նման պայմաններում էր գտնվում նաև եկեղեցին: Թաղի երկու մասերը, դոտկող կամարի հետ միասին, քանդվել էին, իսկ մնացած քարերը խիստ խարխլված էին: Քիվերի մեծ մասը տանիքի սալերի ստորին շարքերի հետ միասին թափվել էին ցած, և անձրևաջրերը, սլատերի վրայով հոսելով, քայքայում էին դրանք: Բացի այդ, տանիքների սալերի զգալի մասը տեղից խախտվել էր և չէր ծառայում իր նպատակին:

Հարավային և հյուսիսային կողմերում կից կառուցված ավանդատները նույնպես խիստ ավերված վիճակում էին: Տանիքները, թաղերը և պատերի ղգալի մասը քանդված էին: Ողջ հուշարձանախումբը հիշեցնում էր անտեսուի մեջ մոռացված ավերակ: Բարեբախտաբար քարերի ղգալի մասը գտնվում էր տեղում, ծածկված հողի, փլատակների և բուսականության հաստ շերտով:

Վերականգնման նախագծի վրա աշխատելիս մենք համոզվեցինք, որ լրիվ հնարավոր է վերականգնել թե՛ գավիթի խարխլված խաչվող կամարները և թե՛ ծածկի համակարգը: Համանման հուշարձանների կոնստրուկցիաների ուսումնասիրությունը թույլ տվեց դալ այն եզրակացություն, որ լրիվ հնարավոր է վերականգնել խաչվող կամարների համակարգը՝ առանց դիմելու երկաթբետոնե լրացուցիչ հենակմախքի: Այդ նույն կարծիքին էր նաև վերականգնող-ճարտարապետ Հրանտ Հակոբյանը (որը իրականացրեց նախագծի երկրորդ տարբերակը):

Վերականգնման նախագիծ կազմելիս ղգալի մտահոգությունն էր պատճառում արևելյան հիմնական կամարը, որի կենտրոնական մասը լրիվ քանդվել էր: Արևմուտք-արևելք ուղղությամբ աշխատող ղույզ կամարներից առավել քայքայված էր հարավայինը: Այդ կամարի հենարանից երկրորդ քարը այնպես էր ջարդված, որ չնչին դեֆորմացիաների դեպքում կարող էր կործանել ամբողջ կամարը, հետևաբար նաև ամբողջ հուշարձանը:


Հաշվի առնելով կամարների և ամբողջ ծածկի կոնստրուկցիաների տարածական աշխատանքը, հնարավոր եղավ նախատեսել առանձին տարրերի և քարերի փոփոխումը նույնիսկ ամենալարված հատվածներում: Միայն ամբողջ ներվյուրային համակարգի վերականգնումից հետո կարելի էր վերականգնել թաղերը և ամբողջ տանիքը ծածկել քարե սալերով:

Կամարների վերականգնման և ամրացման աշխատանքները կատարելու համար նախատեսվում էին ներքին ծանր տախտակամածներ և կամարակալներ:


Մեծ բարդություն էր ներկայացնում արևմտյան շքամուտքի վրա պահպանված պատուհանի և նրան ընդգրկող երեսակալի փոխադարձ դասավորման հարցը: Երեսակալը, ըստ համանմանության սկզբունքի, բարձրացվել էր և մոտեցվել պատուհանին, սակայն պարզվեց, որ պատուհանը տեղադրված է շատ ցածր, ուստի պատուհանի և շքամուտքի համար առանձին երեսակալ այդ տեղում չի կարող տեղադրվել, որի հետևանքով շքամուտքի երեսակալը

պետք է ընդգրկի նաև պատուհանը: Նախագծի վրա այդպես էլ վերականգնելից այդ մասը (նկ. 1, 2):

Վերականգնման նախագիծ կազմելիս ճակատների վրա ամենայն ճշտությամբ որոշվել էին քիվերի և մյուս հանգուցային վերին ուղղաձիգ նիշերը: Պարզվեց, որ գավիթի հորիզոնական քիվը դեֆորմացիաներից մի փոքր թեթևթույն է ստացել, ուրի հետևանքով տանիքի սալերը տեղադրելիս լուրջ դժվարություններ կառաջանան: Ուստի նշված թեթևության մասնակի ուղղումը



նկ. 1




նկ. 2

կնստաստեր տանիքների սալերի ավելի լավ իրականացմանը: Այդ կապակցությամբ թեթևության մի մասը որոշվեց ուղղել պատի և քիվերի տեղադրումով, մյուսը՝ սալերի միջոցով, որը չպետք է անդրադառնար տանիքի սալերի ընդհանուր աշխատանքի վրա:

Հաղբատի վանքի գավիթի, հատկապես նրա երդիկի կառուցվածքի ուսումնասիրությունները, հուշեցին մեզ այդ մասի վերականգնման հնարավորությունները: Սակայն երդիկի վրա կառուցված սյունազարդ ուտոնդայի մասեր

գտնելու հետևանքով մի տարբերակում այդ հատվածը վերականգնվեց ու-
տոնդայով, մյուսում՝ առանց ուտոնդայի:

Կամարների և թաղերի ամրացումից հետո հնարավոր էր իրագործել
քարե տանիքը: Լանջերի թեքությունները որոշելու համար բավարար տվյալ-
ների բացակայության հետևանքով թեքությունները որոշվեցին կտրվածք-
ների օգնությամբ, համապատասխան կառուցումների միջոցով: Այդտեղ հաշ-
վի առնվեցին թաղի և տանիքի սալերի հաստությունները և տանիքի թեքու-
թյան օպտիմալ անկյունը: Տանիքի և երդիկի հպման տեղում պահանջվում էր
ունենալ ուղղաձիգ պատի մի հատված, որպեսզի տանիքները իրար շարու-
նակությամբ չկաղմեն: Երդիկի ծածկի թեքությունների որոշման համար կա-
տարվեցին նույնանման կառուցումներ:



Նկ. 3

Արևմտյան մասում թաղի և առաստաղի հորիզոնական հատվածների
քանդվելու հետևանքով զգալի խոռոչներ էին առաջացել, որոնք անհրաժեշտ
էր լցնել կրաբետոնի շաղախով: Լիցքի ընդհանուր քաշը թեթևացնելու համար
նախատեսվում էր շաղախի մեջ տեղադրել խոշոր կարասներ, իսկ որոշ տեղե-
րում՝ պեմզայի քարաբեկորներ:

Շքամուտքի ճակատակալ քարի մանրամասն ղեկավարումը ցույց տվեց, որ
այն այլևս պիտանի չէ օգտագործման համար, որովհետև փշրվել է: Ծակա-
տակալ քարը զուրկ էր որևէ արձանագրությունից և քանդակից, ուստի հնա-
րավոր էր փոխարինել այն նորով, քանի որ բազմաթիվ բեկորներից հավաք-
ված քարը, այդպիսի պատասխանատու տեղում, չէր կարող լավ աշխատել և
նույնիսկ կարող էր պատճառ դառնալ հետագա փլուզումների համար:

Եկեղեցու վերականգնման նախագիծ կազմելիս հիմնական ուշադրու-
թյունը դարձվեց գոտկող կամարների վիճակին, որովհետև դրանց շաղախը

երկար տարիներ բաց լինելու հետևանքով լվացվել էր և կամարները կարող էին քանդվել, Ամրացնելու նպատակով նախագծում ծրագրված էր կամարների երկու քարերը փոխարինել նորով և վնասված տեղերում շաղախ ներարկել, Պահպանված հին սալերի նմուշները հիմք ծառայեցին տանիքի սալերի բնաշափ գծագիրը կազմելու համար, նախատեսվում էր վերաշարել տանիքի պահպանված սալերը³, որովհետև նման տիպի ծածկը հարկավոր է իրականացնել քիվի վրա նստող սալերի տեղադրումով: Դա պայմանավորված է նրանով, որ յուրաքանչյուր հաջորդ սալը իր քառորդով նստում է ներքևի սալի վրա, որով ապահովվում է ծածկի ընդհանուր կայունությունը:



Նկ. 4

Վերականգնման նախագիծը նախատեսում էր կից խորանների վերականգնումը, ուր պահպանվել էին թաղերի հիմքերը և պատերի ու քիվերի մնացորդները, որոնք հնարավորություն էին տալիս լրիվ վերարտադրելու ալն: Նշված տվյալների հիման վրա կազմված վերականգնման նախագիծը վերանորոգման աշխատանքների պրոցեսում շարունակում էր լրացվել և ամբողջանալ:

Վերականգնման աշխատանքները սկսվել էին 1955 թ. և շարունակվեցին մինչև 1960 թ.: Հուլիսի 1-ի մաքրման աշխատանքներից հետո բոլոր պիտանի քարերը առանձնացվեցին և դասավորվեցին կառուցվածքի մոտ գտնվող հարթակի վրա: Հիմնական դժվարությունը լուծվում էր գավիթի ներվյուրային համակարգի կրողունակության վերականգնումով: Առաջին հերթին վերականգնվեց գավիթի արևելյան կամարի կենտրոնական հատվածը, ապա՝ մյուս կամարների տարբեր հատվածները: Մինչ աշխատանքները սկսելը թվում էր, թե այդ կարգի վերականգնումները համարյա անհնարին են, սակայն վարպետների և հատկապես ճարտարապետ-վերականգնողի ջանքերով այն իրականացվեց և գավիթի կոնստրուկտիվ մասի վերականգնումով լուծվեց նրա քարով ծածկելու հնարավորության հարցը: Այդ աշխատանքները կատարելուց հետո վերականգնվեցին թաղերը և կարելի եղավ վերականգնել խաչվող կամարների երկրորդ համակարգը երգիկի հետ միասին (նկ. 3, 4):

Արևմտյան ճակատի լուծման որոշումները հանգեցրին շքամուտքի և

նի քարերը առանձնացվեցին և դասավորվեցին կառուցվածքի մոտ գտնվող հարթակի վրա: Հիմնական դժվարությունը լուծվում էր գավիթի ներվյուրային համակարգի կրողունակության վերականգնումով: Առաջին հերթին վերականգնվեց գավիթի արևելյան կամարի կենտրոնական հատվածը, ապա՝ մյուս կամարների տարբեր հատվածները: Մինչ աշխատանքները սկսելը թվում էր, թե այդ կարգի վերականգնումները համարյա անհնարին են, սակայն վարպետների և հատկապես ճարտարապետ-վերականգնողի ջանքերով այն իրականացվեց և գավիթի կոնստրուկտիվ մասի վերականգնումով լուծվեց նրա քարով ծածկելու հնարավորության հարցը: Այդ աշխատանքները կատարելուց հետո վերականգնվեցին թաղերը և կարելի եղավ վերականգնել խաչվող կամարների երկրորդ համակարգը երգիկի հետ միասին (նկ. 3, 4):

Արևմտյան ճակատի լուծման որոշումները հանգեցրին շքամուտքի և

³ Նկ. 2-ում այդ քանդված ու վերաշարված մասերը ցույց են տրված թեք շտրիխներով, իսկ նոր քարերով երեսպատված՝ ուղղահայաց շտրիխներով:

նրա վրա տեղադրված պատուհանի վերականգնումները երկրորդ տարբերակի համաձայն, ըստ որի երեսակալը ընդգրկում է նաև պատուհանը:

Արևմտյան հատվածի ծածկի իրականացման ժամանակ խոշոր կարասների տեղադրման միջոցով զգալի թեթևացվեց կրաբետոնի ծավալը: Ցածկադրոծելով հին վարպետների փորձը (Զվարթնոց), կարասների և կուժերի հետ զուգընթաց տեղադրվեցին պեմզայի բեկորներ:

Շրջապատի մաքրման աշխատանքների ժամանակ հայտնաբերվել էին կլոր ելուններով ծածկասալերի բեկորներ, սակայն դրանց քառորդները այնպես էին հանված, որ սալերը չէին գալիս մեկը մյուսի վրա: Ելնելով երկարամյա փորձից, իրականացվեց ծածկի այնպիսի տարբերակը, երբ ծածկասալերը իրենց քառորդներով նստում են մեկը մյուսի վրա, դրանով իսկ ապահովելով ջրի ավելի հաջող հոսքը: Բացի դրանից, նման ծածկը բոլոր տվյալներով ստացվում էր ավելի երկարակյաց:

Եկեղեցու վերանորոգումը հիմնականում ընթացավ ճակատների երեսապատերի, քիվերի, թաղերի, գոտկող կամարների և տանիքների վերականգնման ուղղությամբ:

Ճակատների վերականգնման համար, ուր պարզապես պակասում էին երեսապատերի քարերը, չլուծված հարցեր չէին մնում: Հյուսիսային ճակատի մեծ մասը զուրկ էր երեսապատերի քարերից, որոնց վերականգնումը կատարվեց ըստ շաղախի վրա պահպանված քարերից տպված հետքերի:

Քիվի վերականգնման ժամանակ, ծածկասալերի հենման նպատակով ամբողջ երկայնքով տաշվում էր հատուկ ատամնավոր ելուստ, որի դերը շատ մեծ է հատկապես նշված տիպի սալերի համար: Հնում մի շարք հուշարձաններում այդ ատամից բացի օգտագործվում էին նաև մետաղական պահանջներ (Արուճի տաճար):

Փայտե կամարակալները հնարավոր դարձրին գոտկող կամարների վերականգնումը և ապա՝ ծածկի նորոգումը:

Եկեղեցու քիվերին հենվող սալերը (թե՛ հարավային և թե՛ հյուսիսային ճակատներում) ջարդվել էին. նոր սալեր տեղադրելու համար պետք էր վերաշարել ամբողջ տանիքը, չնայած սալերի մի մասը համեմատաբար լավ վիճակում էր և կարող էր այդպես երկար մնալ:

Ծածկասալերի համար օգտագործվեց Դովեղ գյուղի մոտակայքում գրտնրվող քարհանքի կանաչավուն ֆելզիտը, որը մի շարք փորձարկումներից հետո ցուցաբերեց առավել լավ հատկանիշներ (փորձերի արդյունքները պահվում են Պետլինի հուշարձանների պահպանության և վերականգնման վարչության արխիվում):

РЕСТАВРАЦИЯ МШКАВАНКА

Ю. А. ТАМАНЯН

(Резюме)

Статья посвящена вопросам реставрации и восстановления монастыря Мшкаванк (Ноемберянский р-н АрмССР). В ней показаны этапы исследования и реставрации памятника — от его археологического обмера (выполненного в 1954 г. нами совместно с арх. Ш. Р. Азатяном) до завершения работ в 1960 г.